



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Epistola III. Innocentii Papae I. Ad Experivm Episcopvm Tolosanvm.

urn:nbn:de:hbz:466:1-14918

12. 34. & 36. Innocentii cap. 8. ex Canone 47. & sequentibus; Innocentii 9. ex Ap. 6. cap. 10. ex 17. cap. 11. ex 81. cap. 12. ex 48. sumpta sunt.

EPISTOLA III.

INNOCENTII PAPÆ I.

AD EXVPERIVM EPISCOPVM TOLOSANVM.

- | | |
|---|---|
| I. <i>De incontinentia sacerdotum vel
Leuitarum.</i> | <i>ribus non conueniant.</i> |
| II. <i>De iis qui in extremo vita pa-
nitentiam & communionem pe-
tunt.</i> | v. <i>Quod qui preces vel criminales
dictant, habeantur immunes.</i> |
| III. <i>Quod fidelibus administratio-
nes & iudicia exercere liceat.</i> | VI. <i>Adulteros esse, qui diuortio in-
terueniente aliud ineunt coniu-
gium.</i> |
| IV. <i>Quod viri cum adulteris uxo-</i> | VII. <i>Qui libri in Canone recipian-
tur.</i> |

Innocentius episcopus Exuperio episcopo Tolosano.

CONSULENTI tibi, frater carissime, quid de propositiæ specie vnaquaque sentirem, pro captu intelligentiæ meæ quæ sunt visa respondi, quid sequendum vel docilis ratio persuaderet, vel auctoritas lectionis ostenderet, vel custodita series temporum demonstraret. Et quidem dilectio tua institutum secuta prudentium, ad sedem apostolicam referre maluit quid de rebus dubiis custodire deberet, potius quam usurpatione presumpta quæ sibi viderentur de singulis obtainere. Cur enim magis pudendum putemus discere aliquid, quam omnino nescire? Mihi quoque ipsi de collatione docilitas accedit, dum perscrutatis rationibus ad proposita respondere compellor. Eoque fit ut aliquid semper addiscat, qui postulatur ut doceat. Proponam igitur singula, subiiciamque responsum.

I.

Diss. 82.
Propositi-
tū.

Proposuisti quid de his obseruari debeat, quos in diaconii ministerio, aut in officio presbyterii positos incontinentes esse, aut fuisse, generati filii prodiderunt. De his & diuinarum legum manifesta est disciplina, & beatæ recordationis viri Siricij episcopi monita euidentia commemarunt, ut incontinentes in officiis talibus positi omni

honore ecclesiastico priuentur, nec admittantur accedere administerium, quod sola continentia oportet impleri. Estenim vetus admodum sacræ legis auctoritas iam inde ab initio custodita, quod in templo anno vicis suæ habitare præcepti sunt sacerdotes, vt seruientes sacris oblationibus, puros & ab omni labe purgatos sibi vindicent diuina mysteria: neque eos ad sacrificia fas sit admitti, qui exercent vel cum vxore carnale confortium, quia scriptum est: *Sancti estote, quia & ego sanctus sum Dominus & vester.* Quibus utique propter sobolis successionem propterea vxorius vsus fuerat relaxatus, quia ex alia tribu ad sacerdotium nullus fuerat præceptus accedere. quanto magis hi sacerdotes & Leuitæ pudicitiam ex die ordinationis suæ seruare debent, quibus vel sacerdotium, vel ministerium, sine successione est, nec præterit dies, qua vel a sacrificiis diuinis, vel a baptismatis officio vacent? Nam si beatus Paulus Apostolus ad Corinthios scribit, dicens: *Abstinete vos ad tempus ut vacetis orationi:* & hoc utique laicis præcepit: multo magis sacerdotes, quibus & orandi & sacrificandi iuge officium est, semper debebunt ab huiusmodi consortio abstinere. Qui si contaminatus fuerit carnali concupiscentia, quo pudore vel sacrificare usurpabit, aut qua conscientia, quove merito exaudiri se credit, cum dictum sit: *Omnia munda mundis,* *coquinatis autem & infidelibus nihil est mundum?* Sed fortasse hoc licere credit, quia scriptum est: *Vnius uxoris virum.* Non de permanente in concupiscentia generandi hoc dixit, sed propter continentiam futuram. Neque enim integros corpore non admisit qui ait: *Vellem autem omnes sic esse sicut & ego.* Quod & apertius declarat, dicens: *Qui autem in carne sunt, Deo placere non possunt. vos autem iam non estis in carne, sed in spiritu.* Et habentem filios, non generantem, dixit. Sed ea plane dispar & diuersa sententia est. Nam si ad aliquos forma illæ ecclesiasticæ vitæ pariter & disciplinæ, quæ ab episcopo Siricio ad prouincias commeauit, non probabitur peruenisse, his ignorationis venia remittetur, ita ut de cetero penitus incipient abstinere. Et ita gradus suos, in quibus inuenti fuerint, sic retentent, ut eis non liceat ad potiora descendere. quibus in beneficio esse debet, quod hunc ipsum locum quem retinent non

Concil. Tom. 4.

C ij

1. Paral. 24.

*Dift. 31. Eos
ad facti-
cia.*

*Lent. 11.
& 29.*

1. Cor. 7.

Tit. 1.

1. Tim. 3.

1. Cor. 7.

Rom. 8.

amittunt. Si qui autem scisse formam viuendi missam a Siricio detegentur, neque statim cupiditates libidinis abiecisse illi sunt modis omnibus submouendi: quia post admonitionem cognitam, præponendam arbitrati sunt voluptatem.

II.

Et hoc quæsum est, quid de his obseruari oporteat, qui post baptismum omni tempore incontinentiæ voluptatibus dediti, in extremo fine vitæ suæ poenitentiam simul & reconciliationem communionis exposcunt. De his obseruatio prior durior, posterior interueniente misericordia inclinatior est. Nam consuetudo prior tenuit, ut concederetur eis poenitentia, sed communio negaretur. Nam cum illis temporibus crebræ persecutions essent, ne communionis concessa facilitas homines de recōciliatione securos non reuocaret a lapsu, negata merito communio est, concessa poenitentia, ne totum penitus negaretur: & duriorem remissionem fecit temporis ratio. Sed posteaquam Dominus noster pacem ecclesiis suis reddidit, iam terrore depulso communionem dari abeuntibus placuit; & propter Domini misericordiam quasi viaticum profecturis, & ne Nouatiani hæretici negantis veniam asperitatem & duritiam sequi videamur. Tribuitur ergo cum poenitentia extrema communio, ut homines huiusmodi, vel in supremis suis poenitentes, miserante Saluatore nostro, a perpetuo exitio vindicentur.

III.

23. qd. 4.
Quæsum
est etiam.

Quæsum est etiam super his qui post baptismum ad ministrauerunt, & aut tormenta sola exercuerunt, aut etiam capitalem sententiam protulerunt. De his nihil legimus a maioribus definitum. Meminerant enim a Deo potestates has fuisse concessas, & propter vindictam noxiorum gladium fuisse permisum, & Dei esse ministrum vindicem in huiusmodi datum. Quemadmodum igitur reprehenderent factum, quod auctore Deo viderent esse concessum? De his ergo ita ut haec tenus seruatum est sic habemus, ne aut disciplinam euertere, aut contra auctoritatem Domini venire videamur. Ipsis autem in ratione reddenda gesta sua omnia seruabuntur.

IV.

Et illud desideratum est sciri, cur communicantes viri ^{32. qu. 5.}
cum adulteris vxoribus non conueniant, cum contra ^{Christiana religio.}
vxores in consortio adulterorum virorum manere vi-
deantur. Super hoc Christiana religio adulterium in vtro-
que sexu pari ratione condemnat. Sed viros suos mulie-
res non facile de adulterio accusant, & non habent la-
tentia peccata vindictam: viri autem liberius vxores adul-
teras apud sacerdotes deferre consueuerunt, & ideo mu-
lieribus prodiit earum crimine communio denegatur:
virorum autem latente commisso, non facile quisquam
ex suspicionibus abstinetur. Qui vtique submouebitur, si
eius flagitium detegatur. Cum ergo par sit causa, inter-
dum, probatione cessante, vindicta ratio conquiescit.

V.

Illud etiam sciscitari voluisti, an preces dictantibus li-
berum concedatur, vtique post baptismi regenerationem,
a principibus poscere mortem alicuius, vel san-
guinem de reatu: quam rem principes nunquam sine
cognitione concedunt, sed ad iudices commissa ipsa vel
crimina semper remittunt, vt causa cognita vindicentur.
Quæ cum quæsitori fuerint delegata, aut absolutio, aut
damnatio, pro negotii qualitate profertur, & dum le-
gum in improbos exercetur auctoritas, erit dictator im-
munis.

VI.

De his etiam requisuit dilectio tua, qui interueniente
repudio alii se matrimonio copularunt: quos in vtra-
que parte adulteros esse manifestum est. Qui vero vel
vxore viuente, quamvis dissociatum videatur esse con-
iugium, ad aliam copulam festinarunt, neque possunt
adulteri non videri, in tantum vt etiam hæ personæ, qui
bus tales coniuncti sunt, etiam ipsæ adulterium commi-
ssisse videantur; secundum illud quod legimus in euange-
lio: *Qui dimiserit vxorem suam, & duxerit aliam, mactatur:* ^{Math. 19.}
similiter & qui dimissam duxerit, mactatur. Et ideo tales om-
nes a communione fidelium abstinentos. De parentibus
autem, aut de propinquis eorum, nihil tale statui po-
test, nisi si incentores illiciti consortii fuisse detegan-
tur.

VII.

Qui vero libri recipiantur in canone sanctorum scripturarum, breuis adnexus ostendit. Hæc sunt ergo quæ desiderata moneri voce voluisti. Moysis libri 5. id est Genesis, Exodi, Leuitici, Numeri, Deuteronomii: & Iesu Naue vñus, Iudicum vñus. Regnorum libri 4. simul & Ruth. Prophetarum libri 16. Salomonis libri 5. Psalterium. Historiarum, Iob liber vñus, Tobiae vñus, Esther vñus, Judith vñus, Machabæorum duo, Esdræ duo, Paralipomenon duo. Item noui Testamenti, Evangeliorum libri 4. Apostoli Pauli epistolæ 14. Epistolæ Ioannis 3. Epistolæ Petri duæ: Epistola Iudæ, Epistola Iacobi, Actus Apostolorum, Apocalypsis Ioannis. Cetera autem, quæ vel sub nomine Matthiæ, siue Iacobi minoris, vel sub nomine Petri & Ioannis, quæ a quodam Leucio scripta sunt, vel sub nomine Andreæ, quæ a Xenocharide & Leonida philosophis; vel sub nomine Thomæ, & si qua sunt alia, non solum repudianda, verum etiam noueris esse damnanda. Datum 10. Kalendas Martias, Stilicone II. & Anthemio viris clarissimis consulibus.

NOTÆ.

Exuperius quis. ² *Ad Exuperium.*] Exuperius is est, quem Ausonius Burdigalensem dicit, & inter eius temporis claros oratores adnumerat. Post præfecturam Hispaniarum, auctore Ausonio, ad portum tranquillitatis secessit: in ecclesia Burdigalensi presbyterium meruisse, ex Paulini epistola vigesima, ad Amantium scripta, intelligi potest. Qualis quantusve extiterit egregia vitæ sanctitate conspicuus, ex sancto Hieronymo audi, dum hæc de seipso scribit epist. 4. ad Rusticum. *S. Exuperius Tolose episcopus, vidua Sareptensis imitator, esuriens pascit alios, & ore pallente ieunii fame torquetur aliena, omnemque substantiam Christi visceribus erogavit. Nihil illo ditius, qui corpus Domini canistro vimineo, sanguinem portat in vitro, qui auaritiam eiecit e templo: qui absque funiculo & increpatione cathedras vendentium columbas, id est, dona sancti Spiritus, mensaque subuerit Mammonæ, & nummulariorum æra dispersit, ut domus Dei domus vocetur orationis, & non latronum spelunca, &c. Epistola 2. Non possum, inquit, absque lacrymis Tolose mentionem facere, que ut hoc usque non rueret, sancti episcopi Exuperii merita præstiterunt. Hic diuini spiritus afflatus ventrum Gallie excidium, Tolosamque barbaris paulo post dedendam prenoscens, magna celeritate omnem substantiam in pauperes erogavit: cumque eius liberalitati maxime Gallia nimis angusta videretur, Sisinnium monachum, integerrimis vite moribus præditum, in orientem cum ingenti*

pecunia ablegauit, vt monachis Palæstina & Ægypti subsidia vita mini- straret. Hac occasione S. Hieronymus ex Sisinnio cognoscens qualis quantusque esset vir eximius Exuperius, ob eius egregiam sanctitatem eidem libros in Zachariam prophetam, quos elucubrabat, dedicandos existimauit. Hæc ex Hieron. præfat. in 3. Amos, & 1. Za- char. Baron. ann. 405. num. 62. & 406. num. 35.

Hæc Innocentii epistola ad Exuperium, sicut præcedens ad Vi- Hæc episto-
la qua occa-
sione scri-
pta.
etrum Rothomagensem episcopum, responsoria est ad eorum li- teras, quibus aduersus nouam hæresim Vigilantii in Gallia emer- gentem pugnaturi, primum apostolicam sedem consulendam esse putarunt; ea nimis ex causa, quod scirent absque aliqua dubitatione in vniuersa ecclesia catholica obseruandum esse quod ab apo- stolica sede seruatum & custoditum esse nosceretur, quodque ad ca- stra hæreticorum & schismaticorum transirent, qui se ab eiusdem communione sciungerent, & Decreta illius obseruare nollent. Vnde licet vterque sanctissimus & doctissimus Galliarum episcopus, o- ptime nosset ea quæ Romanum Pontificem rogabant, tamen quod certo scirent ipsam apostolicam sedem esse turrim Dauid, in qua sunt mille clypei & omnis armatura fortium, ab ipso præcipuo catho- lice ecclesiæ vertice sibi arma comparanda duxerunt, quorum vel uno iœtu reptantem ventre bestiam conficerent. Omnes enim nefas esse intelligebant, apostolicæ sedis Decretis obniti, adeoque recen- tia Romani Pontificis decreta, fidem & ecclesiasticam disciplinam a maioribus & veteribus traditionibus acceptam, in Gallia sartam teatamque conseruabant. Baron. ann. 406. num. 47.

E P I S T O L A IV.

I N N O C E N T I I P A P Æ I.

A D F E L I C E M N U C E R I A N V M E P I S C O P V M .

- | | |
|---|---|
| I. <i>Si quis volens, partem sui corpo-</i> | <i>debeant promoueri.</i> |
| <i>ris amputauerit, clericus esse non</i> | <i>IV. Qui de laicis possunt clerici fie-</i> |
| <i>poteat: nolens autem, potest.</i> | <i>ri. Hic aperte concubina prohi-</i> |
| II. <i>Quod bigami ad clerum admitti</i> | <i>betur.</i> |
| <i>non posint.</i> | <i>V. De temporibus in clero immo-</i> |
| III. <i>Qui de laicis ad clerum non</i> | <i>randi.</i> |

Innocentius Felici episcopo Nuceriano.

MIRARI non possumus, dilectionem tuam sequi in- stituta maiorum, omniaque, quæ possunt aliquam recipere dubitationem, ad nos, quasi ad caput atque ad apicem episcopatus referre, vt consulta videlicet sedes apostolica, ex ipsis rebus dubiis, certum aliquid facien- dum pronuntiet. Quod & nos libenter accipimus, &